

yang T negara diberi amaran su-
FOR. Jenekalkan kejayaan cemer-
inat. Kejohanan Silat Kebangsaan
an. Dickson, bermula pagi ini jika
s 19 mahu tersingkir daripada skuad
bakan SEA '88.

pesilat terbaik di kejohanan itu
aan membawa cabaran negara ke
kekejohanan Undangan Singapura
ada 25 Ogos ini, selain persediaan
menghadapi Sukan SEA tahun depan.

Seramai 270 pesilat daripada 11 ne-
geri dan tiga pertubuhan silat iaitu
Gayong Malaysia, Lincah dan Gayong
Fatani menyertai kejohanan yang
akan dirasmikan oleh Yang Diper-
tuan Besar Negeri Sembilan, pagi ini.

Setakat ini, keupayaan Pesilat Ter-
baik Dunia, Wan Aminuddin Baki Abu
Bakar sukar diramal setelah gagal
mengikuti latihan pusat fasa pertama
bulan lalu.

Pengurus silat kebangsaan, Haji
Shafie Abdul Rahman, berkata pesilat
kebangsaan perlu mengekalkan imej
masing-masing menghadapi saingan
sengit kali ini.

Kegagalan boleh menjejaskan imej
skuad Sukan SEA kerana keperca-
yaan mengutip pingat bergantung ke-
pada mereka.

Bagaimanapun, kesungguhan seti-
ap pasukan tidak boleh dipandang
mudah oleh setiap pesilat negara.

Kejohanan tahun ini adalah paling
besar dalam sejarah, sejak tiga kali
diadakan, kerana setiap negeri akan
turut serta.

"Saya tidak nafikan kemungkinan
ada pesilat negara gugur di kejoha-
nan ini," kata beliau.

Haji Shafie memberitahu, juara dan
naib juara baru kejohanan akan di-
pilih menganggotai skuad negara.

Latihan pusat kedua akan diadakan
di Kuala Terengganu pada 15-22 Ogos
sebelum berlepas ke Singapura.

Katanya, cabaran di Singapura he-
bat kerana kebanyakan pesilat di Ke-
johanan Sedunia tahun lalu terbabit.

Malaysia berupaya mengukur se-
jauh mana keupayaan setiap pesilat
menjelang Sukan SEA nanti.

Difahamkan, Singapura mengun-
dang 19 negara iaitu Austria, Belanda,
Belgium, Britain, Denmark, Jerman
Barat, Perancis, Sepanyol, Switzer-
land, Yugoslavia, Amerika Syarikat,
Turki, Surinam, Australia, Brunei Da-
russalam, Malaysia, Indonesia dan
Thailand.

SILAT KEBANGSAAN/ Amaran

Peserta negara diminta tingkatkan keupayaan

B. Harlan (M)

29 JUL 1988

Oleh MOHD RAHIME YUSOF



■ WAN AMINUDDIN BAKI

KEJUARAAN SILAT KEBANGSAAN

Ahmad Wardi, Razak Ismail bertindak seperti harimau

30 JUL 1988

B. Harlan (M)

Oleh MOHD RAHIME YUSOF

DUA pesilat negara, Ahmad Wardi Salim dan Razak Ismail, bertindak bagai 'harimau liar' untuk ke pusingan kedua, menumpaskan lawan masing-masing di Kejohanan Silat Kebangsaan di Dewan Tan Sri Sani, Port Dickson semalam.

Wardi yang mewakili Melaka menggunakan kema-
tangan peringkat antarabangsa untuk menyingkir pen-
cabar Kelas B, Roslan Mustapha dari Kedah.

Razak pula yang berasal dari Terengganu, juga mu-
dah mengatasi pencabar dari Wilayah Persekutuan,
Ahmad Tarmizi Yaakob dalam Kelas E.

Kedua-dua pesilat negara itu ternyata terlalu man-
tap ketika melancarkan serangan ke atas lawan masing-masing.

Wardi, pemenang pingat emas Silat Sedunia, walau-
pun diasak pada pusingan pertama, menguasai dua pusingan terakhir.

Bagaimanapun, Razak yang memenangi pingat pe-
rak Silat Sedunia tidak memberi ruang kepada lawan
dengan melepaskan tendangan bertubi-tubi kiri dan kan-
nan lawan.

Pesilat bukan Melayu tunggal Kelas G, M Rajarata-
nam dari Johor, turut mara ke pusingan kedua menga-
lahkan Abdul Razak Saad dari Kedah.

Dia diramal meneruskan kemaraan ke pusingan
akhir dan berupaya mencabar pesilat terbaik dunia,
Wan Aminuddin Baki, selepas Mazlan Shaari dari Gay-
ung Patani menarik diri.

Rajaratanam menunjukkan persembahan menarik
hingga mendapat sorakan gemuruh daripada kira-kira
500 penonton yang menyaksikan perlawanannya.

Sementara itu, Yang DiPertuan Besar Negeri Sembilan, ketika merasmikan kejuaraan ini, bertitah sukan silat dapat mendidik disiplin belia yang menghadapi masalah moral.

Baginda berharap, sukan ini dapat diletakkan ke tempat sewajarnya setanding dengan sukan lain seperti sepak takraw dan bolasepak.

Keputusan (pusingan pertama):

Kelas A: Anuar Dahari (Lincah) mn Kamsan Dollah (Joh).

Kelas B: Ahmad Wardi Salim (Mel) mn Roslan Mustapha (Ked).

Kelas C: Rozaiddi Ismail (Sel) mn Mohd Alias Md Nor (Ter); Dawud Adli Yusof (Kel) mn Johari Jantan (Lincah).

Kelas D: Fauzi Lazim (Per) mn Jalaluddin Abdullah Sani (NS); Shahari Sulaiman (Joh) mn Abdul Latif Yahya (Mel).

Kelas E: Zulkifli Shafie (Kel) mn Abdullah Ali (Ked); Razak Ismail (Ter) mn Ahmad Tarmizi Yaakob (WP).

Kelas F: Mohd Tarmizi Kassim (WP) mn Shamsuddin Omar (Ter), Zalian Zainuddin (Mel) mn Muhammad Adam (Lincah).

Kelas G: M Rajaratanam (Joh) mn Abdul Razak Saad (Ked).

Kelas H: Ahmad Zailan Jamidi (Sel) mn Haji Che Mohd Tahir Long (Ter).

Kelas I: Mohamad Shuhairi (Ter) mn Mazlan Idris (NS).

Bebas: Mohamad Ramzi Saad (Ked) mn Zulkarnain Majid (Joh).